

985006318

YPSØY KYSTGARD

Mobilnummer

950 61 191

E-postadresse

vigleik@kystgard.no

Kontonummer **** * 25188

Vedtaksdato

29.10.2020

Vedtaket er gjort av

Alver kommune

Søknadsdato

30.05.2020

Vår referanse

2020/4884, Agros 133253

Vedtak om tilskot til spesielle miljøtiltak i jordbruket – Austre Vika Gbnr.350/3

Samandrag:

Alver kommune har vedtatt å innvilge opptil 25 000 kroner i tilskot til YPSØY KYSTGARD til Austre Vika Gbnr.350/3. Frist for å gjennomføre tiltaket og rapportere er 01.11.2023.

Alver kommune viser til søknad av 30.05.2020.

Bakgrunn i saka

YPSØY KYSTGARD søkte om tilskot til spesielle miljøtiltak i jordbruket 30.05.2020. Du søker om totalt 30 000 kroner i tilskot for tiltak perioden 01.09.2020-31.12.2020. Totalt kostnadsoverslag for tiltaket har du utrekna til 50 000 kroner.

Søker har tidlegare skjøtta området med m.a, beiterydding og heilårsbeite for villsau. Det er og montert boltar i fjell for at m.m. ålmenta kan fortøye båt. Vika er kjent som gamal badevik.

Søkjeren ønskjer no å sette opp eit lite grindbygg på ca. 15m2 som i form og storleik kunne vore eit bygg som sto på husmannsplassen på 1800- talet. Han ønskjer at Bart Lesaffre skal sette opp råbygget som ein del av spesialundervisninga, medan elevane skal gjere arbeidet ferdig med gulv, vegg og tak. Bygget skal brukast innan opplæring av biologisk mangfald og som observasjonshus av fuglelivet på Indreskjæret.

Søkeren ønskjer også å montere lunnar av Osp til å trekke opp robåtar, kanoar og kajakkar. Frå grindbygget vil han opparbeide sti mot eksisterande sti, sette opp namneskilt av tre lage kart for tilreisande.

Grunngjeving for vedtaket

Føremålet med tilskot til spesielle miljøtiltak i jordbruket er å fremje natur- og kulturminneverdiane i kulturlandskapet i jordbruket og redusere forureininga frå jordbruket, utover det som kan ventast gjennom vanleg jordbruksdrift, jf. [forskrift om spesielle miljøtiltak i jordbruket](#) (SMIL-forskriften) § 1.

Ein kan innvilge tilskot til føretak som oppfyller vilkåra i forskrift av 19. desember 2014 nr. 1817 om produksjonstilskot og avløysartilskot i jordbruket § 2 og § 3 eller § 4.

Tilskot kan også gis til eigar av landbrukseigedom dersom det går føre seg ein produksjon på landbrukseigedom som oppfyller vilkåra for tilskot etter forskrifta som nemnt over. Om du sjølv ikkje eig landbrukseigedom til tåket skal gjennomførast på, må det ligge føre løyve frå eigar til gjennomføring av prosjekt eller tiltak som nemnt i SMIL-forskrifta § 4 og § 5.

Søkaren må også oppfylle vilkår i forskrift av 1. juli 1999 nr. 791 om gjødslingsplanlegging. Det skal også førast journal over korleis plantevernmiddel som blir brukte, med opplysningar som nemnt i SMIL-forskrifta § 3 tredje ledd.

Målet med tiltaket er å medverke til styrking av og auka fokus på kulturlandskapets verdiar.

Søknaden har vorte vurdert etter prinsippa i naturmangfaldlova(NML) §§8-12,JF.§7. Administrasjonen har gjennomgått artskart,naturbase og etter ei samla vurdering kome fram til at tiltaket som er omsøkt ikkje er i konflikt med prinsippa i §§8-12 i naturmangfaldlova.

Administrasjonen meiner at tiltaket er i tråd med SMIL -ordninga sitt føremål,jf.forskrift om spesielle miljøtiltak i landbruket §1.Tiltaket er også prioritert i kommunen sin SMIL -strategi.

Det som står i rundskrivet om" tilgjenge og opplevingar i landskapet" at tiltak som inngår som del av eit informasjonstiltak knytt til kulturlandskapet og kulturhistoria i området kan få støtte.

Administrasjonen meiner at tiltaket er godt og vil bidra til å auka fokus på kulturlandskapets verdiar , både biologiske, historiske og estetiske. Tiltaket vil bidra til tilrettelegging av ferdsel og opplevingar for allmenta . Det vil være eit tilbud til dei som kjem med båt og stien vil vert knytt sammen med eksisterende stinett på Øpso. Husmannsplasser er sjelden i vårt området. Vi meiner at tiltaket vil stimulera til auka berekraftig og miljøvennleg bruk av kystkulturlandskapet.

Godkjent kostnadsoverslag :

Tiltak	Beløp
Råbygg ferdig montert	30000
Gulv,vegg og tak	10000
Arbeidskostnader	10000
Sum	50000
Tilskotssats 50%	
Tilskot kr	25000

Alver kommune har vedtatt å innvilge opptil 25 000 kroner i tilskot.

Vilkår for tilskotet

Frist for å gjennomføre tiltaket og rapportere er 01.11.2023. Dersom du ikkje overheld fristen, fell tilskotet vekk.

Innvilging av tilskot inneber ikkje at tiltaket er godkjent etter anna regelverk, som til dømes plan- og bygningslova, kulturminnelova, naturmangfaldlova, vassressurslova eller forureiningsforskrifta. Du må sjølv skaffe deg slikt løyve dersom det trengs, og dette må du gjere før du går i gang med tiltaket du no har fått tilskot til.

- Frist for gjennomføringa av tiltaka er sett til inntil tre år frå tildeling.

-Det kan søkjast om utsetjing av arbeidsfrist i inntil to år ut frå skriftleg grunngjeving,seinast ein månad før oppsett frist går ut.

- Løyvd tilskot kan trekkjast attende heilt eller delvis dersom det oppstår tilhøve som er i strid med føresetnadane for ordninga jfr § 10 i forskrifta om spesielle miljøtiltak i jordbruket.

Alle tiltak som gjeld kulturminne og kulturmiljø bør gjennomførast etter prinsipp som kulturminneforvaltninga legg til grunn.
Dette er mellom anna:

- Bevare mest mogleg av kulturminnets originale element eller kulturmiljøets eigenart og heilheit
- Foreta så få forandringar som mogleg
- Reparere framfor heil utskifting
- Bruke tradisjonelle, stadeigne materialar, handverksteknikkar og fargar.

Det er eit vilkår at bygget er tilgjengelig for allmenta.

Rapportering og utbetaling

Når tiltaket er gjennomført, må du sende inn dokumentasjon på at tiltaket er gjennomført etter dei vilkåra som er sett i dette brevet. Du skal rapportere om måloppnåing og bruken av tilskottet slik rapporteringsskjemaet angir.

- Del- eller sluttrapportering av prosjektet gjer du via saken din på altinn. Du finner også skjema med link til altinn på landbruksdirektoratet sine hjemmesider.
- Husk å ta bilder og dokumenter prosjektet undervegs, samt ta vare på kvitteringer og før timelister for arbeidet som blir gjort.

Alver kommune betaler ut det innvilga tilskotet etter at du skriftleg har bede om det, og når vi har godkjent rapport og sluttregneskapen for prosjektet eller tiltaket. Du kan be om utbetaling digitalt via Altinn.

For eitt-årige eller mindre prosjekt skal utbetalinga som hovudregel skje etter at prosjektet er avslutta. For fleirårige tilskot kan det vere aktuelt å betale ut delar undervegs i prosjektperioden. Delar av tilskotet kan utbetalast etter kvart som du godtgjer framdrift i gjennomføring av tiltaket og vi har godkjend rapporteringa. Minst 25 prosent av tilskotet blir halde attende til tiltaket er fullført og sluttrapporteringa er godkjend.

Landbruksdirektoratet sitt rapporteringsskjema for eingongstiltak/investeringstiltak skal fyllast ut og leggst ved når du ber om del- og sluttutbetaling. [Bruk denne malen](#)

Godkjent kostnadsoverslag for tiltaket er 50 000 kroner. Utbetalt tilskot kan ikkje overstige 50 % av godkjende kostnader for å utføre tiltaket. Dersom kostnaden for å utføre tiltaket er lågare enn godkjent kostnadsoverslag kan tilskotsbeløpet bli justert ned.

Kontroll

Kommunen, fylkesmannen og Landbruksdirektoratet kan gjere kontroll etter SMIL-forskrifta § 9.

Omgjering, tilbakebetaling og motrekning

Vedtak om innvilga tilskot kan bli gjort om og utbetalt tilskot kan bli kravd betalt tilbake etter SMIL-forskrifta § 10 dersom det blir avdekka tilhøve som er i strid med det som er føresett ved innvilging av tilskotet.

Klagerett

Du kan klage på dette vedtaket til Fylkesmannen i Vestland. Send klaga til Alver kommune. Vi vil sende saka vidare til Fylkesmannen i Vestland dersom vi ikkje gjer om vedtaket. Klagefristen er tre veker etter at du har motteke dette brevet, jf. forvaltingslova § 29. Du kan òg be om å få sjå dokumenta i saka, jf. forvaltingslova § 18 og § 19.

Meir informasjon

På [nettsidene til Landbruksdirektoratet](#) kan du finne meir informasjon om spesielle miljøtiltak i jordbruket.

Med helsing
for Alver kommune

Saksbehandla av: Roba Al Serhan

Godkjend av: Kjartan Nyhammer